



COMUNE DE PÀDRIA

DELIBERAZIONE DE SA GIUNTA COMUNALE N. 49 DE SU 30/09/2020

OGETU: Pianu istraordinàriu regionale de posta in siguresa de sas istradas in sos comunes minores de sas àreas internas cun una populatzione inferiore a 2000 abitanti. Traballos de sistematzione de sa rete infrastrutturale in s'agru de Pàdria". Aprovatzione progetu.

S'annu duamìgia e binti sa die trinta de su mese de Cabudanni a sas oras 17:30, in S'UFÌTZIU DE SU SÌNDIGU, fatu chi siat esaurimentu de sas formalidades prescritas dae sa lege de s'Istadu e de s'Istatutu, s'est reunida sa Giunta Comunale suta sa presidèntzia de su SÌNDIGU DOT. MURA ALESSANDRO.

A s'apellu nominale resurtat

<u>CÀRRIGA</u>	<u>SAMBENADU E NÙMENE</u>	<u>PRESENTE</u>
SÌNDIGU	DOT. MURA ALESSANDRO	EMMO
ASSESSORE	MARICA MATTEO SALVATORE	EMMO
ASSESSORE	DETTORI GIUSEPPA ANGELA	EMMO

Presentes n. 3 Ausentes n. 0

Partètzipat su SEGRETÀRIU COMUNALE DOT. PULEDDA ANTONINO, chi providit a sa redatzione de su verbale presente.

Essende legale su nùmeru de sos interbènnidos, su SÌNDIGU DOT. MURA ALESSANDRO, in sa calidade sua de Presidente, leat sa presidèntzia e decrarat aberta sa setziada pro sa tratatzione de s'ogetu marcadu subra.

SA GIUNTA COMUNALE

PREMITIDU chi, pro mèdiu de sa deliberatzione C.I.P.E. n. 14/2019 est istadu finantziadu su Fundu de Isvilupu e Coesione 2014-2020;

PRETZISADU chi, cun Deliberatzione de sa Giunta Regionale (DGR) n. 44/91 de su 12.11..2019, chi pertocat su patu pro s'Isvilupu de sa Regione Sardigna, est istadu aprovalu su Pianu istraordinàriu de posta in siguresa de sas istradas in sos comunes minores de sas àreas internas, cun una popolazione inferiore a 2000 abitanter;

ISPETZIFICADU chi, in s'àmbitu de tale Pianu Regionale, su Comune de Pàdria, est individuadu cale "Sugetu atuadore" de s'interventu locale cunnessu denuminadu "Interventos istraordinàrios de posta in siguresa de sas istradas secundàrias a gestione comunale", finantziadu cun s'importu de 70.432,99 èuros, a bàlere subra de sas resursas segundu sa prefata DGR 44/91_2019;

DADU ATU chi, pro mèdiu de sa nota prot. n. 10402 de su 09.04.2020, sa Regione Sardigna – Assessoradu de sos Traballus Pùblicos at trasmitidu sa Cunventzione de Finanziamentu/Disciplinare, chi est istada cumpletada cun sas informatziones rechestas in s'art. 8 de sa matessi e firmada a manera digitale, pro atzetazione formale, dae su Rapresentante Legale de su Comune de Pàdria e dae su Responsàbile Ùnicu de su Protzedimentu, numenadu in cunforma a s'artìculu 34 de sa L.R. Sardigna n. 8 de su 13 de martzu 2018 e mm.ii.ii.;

BIDA sa Cunventzione de Finanziamentu – Disciplinare, in particolare s'artìculu 2, chi cuntenit "Ogetu e cunditiones generales" e s'ischeda interventu allegada, predisposta in cunformidade a su modellu regionale dae s'UfitziuTènicu Comunale;

CUNSIDERADU chi custu Ente, cale sugetu atuadore de s'interventu in tratatzione, comente prevididu dae s'art. 4 e ii. de sa L. 214/1990 e mm.ii.ii., at provididu cun deliberatzione pròpia n. 23 de su 15.04.2020 a sa nòmina de s'Inz. Andrea Pinna cale Responsàbile Ùnicu de su Protzedimentu (Responsàbile de Progetu), sas funtziones e sos còmputos suos sunt definidos dae s'art. 35 de sa L.R. Sardigna n. 8 de su 13.03.2018 e mm.ii.ii. e dae s'art. 31 de su D.Lgs. 50/2016 e mm.ii.ii.;

AVERIGUADU chi s'ispesa cunnessa a sa realizatzione de s'interventu in paràula agatat cobertura in su capitulu 28112.12.43 de su Bilàntziu de s'esertitziu 2020 corrente,

LEADU ATU chi:

- cun Determinatzione de s'àrea tènicu manutentiva n. 79 de su 13.05.2020 est istadu dadu incàrrigu a s'Inz. Danilo Fois pro su servitziu de istùdiu de fatibildade, progetatzione, diretzione traballus e coordinamentu siguresa chi pertocat s'interventu iscritu subra;
- su professionista in antis naradu at provididu a sa cunsigna de s'istùdiu de fatibildade tènicu-econòmica e de su progetu definitivu-esecutivu relativu a sos traballus in ogetu;

BIDU chi su progetu definitivu-esecutivu est costituitu dae sos elaborados sighentes:

- tàu. 1 Relatzione tècnica,
- tàu. 2 All. A Localizatzione interventu – subraponidura de fotografia aèrea
- tàu. 2 All. B Corografia de su territòriu
- tàu. 2 All. C Planimetria de cantieri
- tàu. 2 All. D. Particulare loto 1 – subraponidura catastale
- tàu. 2 All. E. Particulare loto 2 – subraponidura catastale
- tàu. 2 All. F. Particulare loto 3 – subraponidura catastale
- tàu. 2 All. G. Particulare loto 4 – subraponidura catastale
- tàu. 2 All. H. Particulare loto 5 – subraponidura catastale
- tàu. 2 All. I. Particulares costrutivos setzione tipu 1
- tàu. 2 All. L. Particulares costrutivos setzione tipu 2
- tàu. 3 Documentatzione fotogràfica
- tàu. 4 Cuadru econòmicu
- tàu. 5 Càlculu mètricu estimativu
- tàu. 6 Elencu prejos
- tàu. 7 Cronoprogramma de sos traballos
- tàu. 8 Càlculu intzidèntzia manodòpera
- tàu. 9 All. A pianu de siguresa e coordinamentu
- tàu. 9 All. A1 fascìculu de s'òpera
- tàu. 9 All. A2 anàlisi de sos arriscos
- tàu. 9 All. B pianu de siguresa e coordinamentu mesuras anti covis
- tàu. 9 All. B1 anàlisi de sos arriscos anticovid
- tàu. 9 All. B 2 modulistica mesuras anticovid
- tàu. 9 All. C custos de sa siguresa
- tàu. 9 All. C1 anàlisi de sos prejos
- tàu. 10 Capituladu ispetziale de apaltu
- tàu. 11 Rechesta oferta prejos unitàrios
- tàu. 12 Ischema de cuntratu

RILEVADU chi su cuadru econòmicu de ispesa de sos traballos in tratatzione, est gasi comente de s'ghidu resumidu:

CUADRU ECONÒMICU		
	Importu traballos lotos sìngulos	
a.1	Traballos a misura	€ 49.999,64
a.2	Òners de sa siguresa traballos	€ 1.889,70
A	COSTU DE S'ÒPERA (a.1+a.2)	€ 51.889,34
	Summas a dispositzione de s'Amm.ne	
b.1	Iva subra de sos traballos e òneres siguresa (22% subra de A)	€ 11.415,65
b.2	Ispesas tècnicas	€ 4.195,23
b.3	CNPAIA	€ 196,61
b.4	IVA 22% subra ispesas tècnicas+cnpaia	€ 0,00
b.5	Inc. prog. (art. 113 D.lgs 50/2016 e mm.ii.ii.) 2% subra de A	€ 1.037,79
b.6	Publitzidade de gara	€ 0,00
b.7	Contributu Autoridade TT.PP.	€ 30,00

b.8	Imprevistos, fundu acordos bonàrios	€ 948,37
B	Tot. Summas a disposizione de s'Amm.ne	€ 18.543,65
	TOTALE (A+B)	€ 70.432,99

BIDU su verbale de balidatzione de su progetu definitivu esecutivu, prot. n. 3619 de su 21.09.2020, predispostu dae su responsàbile ùnicu de su protzedimentu e sutascritu dae su professionista incarrigadu.

ACHISIDOS a manera preventiva sos parres favorèvoles in òrdine a sa regularidade tècnica e contàbile esprimidus dae su Responsàbile de s'àrea econòmicu-finanziària, in cunforma a s'art. 49, comma 1, de su decretu legislativu 18 de austu 2000, n. 267 e mm.ii.ii.;

RECONNÒSCHIDA sa cumpetèntzia pròpia in cunforma a sas dispositziones normative, istatutàrias e regulamentares in vigèntzia;

INTESA sa relata incraritiva a incuru de su Sindigu e de s'Assessore Marica, agiudados dae su Segretàriu comunale;

DADU ATU chi subra de sa proposta de deliberatzione n. 597 de su 22.09.2020 est istadu proadu, cun èsitu favorèvole, su controllu in su matessi tempus de regularidade amministrativa a incuru de su Segretàriu comunale, a s'èsitu de su coordinamentu testuale cuncordadu cun sos Responsàbiles de sos Servìtzios interessados;

RECONNÒSCHIDA s'opportunità, in sintonia cun sa proposta tècnica avanzada dae sos utfitzios, de protzèdere cun urgèntzia a s'aprovazione de sa deliberatzione presente pro sas finalidades in ogetu;

ACRARADU chi sa setziada presente de sa Giunta Comunale s'est acumprida in modalidade telemàtica a manera parziale, in cunforma a s'art. 73 de su D.L. 18/2000 e mm.ii.ii. e puru de su decretu de su sindigu n. 2 de su 23.03.2020

DADU ATU chi totu sos partetzpantes a sa setziada:

- ant àpidu visione e disponibilidade preventiva de sa proposta de deliberatzione chi pertocat s'ogetu;
- ant àpidu s'opportunità de partetzpare a sos traballos de sa Giunta Comunale de oe in presèntzia siat in relazione a sa dibata chi in òrdine a sa votatzione, cun su controllu costante de su Segretàriu comunale;

cun votos favorèvoles de acordu in su matessi tempus, esprimidus a manera legale, in cunforma a cantu subra indicadu (Mura, Marica e Dettori in modalidade telemàtica)

DELÌBERAT

DE FÀGHERE PRÒPIAS sas premissas narrative e motivatzionales a su dispositivu presente apretziende las inoghe a manera integrale trascritas;

DE APROVARE, s'istùdiu de fatibilidade e su progetu definitivu esecutivu relativu a sos *Traballos de sistematzione de sa rete infrastrutturale in s'agru de Pàdria* de s'importu cumplessivu de € 70.432,99;

DE DARE ATU chi s'ispesa cunnessa a sa realizatzione de s'interventu in paràula agatat cobertura in su capìtulu 28112.43 de su Bilàntziu de Previsione de s'esertzìtiu finantziàriu 2020 corrente;

DE INCARRIGARE su Responsàbile de su Servìtziu Tècnicu pro sos acumprimentos de cumpetèntzia, cunnessos e cunsighentes a su deliberadu presente;

DE DECLARARE in fines sa deliberatzione presente, a pustis de separada, a su matessi tempus e che pare votatzione de acordu (Mura, Marica e Dettori in modalidade telemàtica) esecutàbile a manera immediata in cunforma e pro sos efetos de s'art. 134, comma 4, D.Lgs. n. 267/2000, pro s'urgèntzia de assicurare su perfetzionamentu de sas finalidades suas.

PARRE DE REGULARIDADE TÈCNICA

In cunforma a s'art. 49 c. 1 de su T.U.E.L. su Dirigente/P.O. **PINNA ANDREA** in data **22/09/2020** at esprìmidu parre **FAVORÈVOLE**

PARRE DE REGULARIDADE CONTÀBILE

In cunforma a s'art. 49 c. 1 de su T.U.E.L. su Dirigente/P.O. **ARCA MARIANGELA** in data **10/08/2020** at esprìmidu parre **FAVORÈVOLE**

SU SÌNDIGU

SU SEGRETÀRIU COMUNALE

DOT. MURA ALESSANDRO

DOT. PULEDDA ANTONINO

NOTA DE PUBLICATZIONE N. 728

In cunforma a s'art. 124 de su T.U. 267/2000 su responsàbile de sa Publicatzione **SEGRETÀRIU COMUNALE DOT. PULEDDA ANTONINO** atestat chi in data 01/10/2020 s'est protzèdidu a sa publicatzione in s'Albu Pretòriu.

Sa Delibera est esecutiva in cunforma a sas dispositziones de lege in vigèntzia.

Tradutzione de s'operadora de s'isportellu linguìsticu de Pàdria
Maria Leonarda Correddu